



Inatsisartut suleriaasianni § 37 imm. 1 najoqqutaralugu Naalakkersuisunut imaattumik apeqquteqarpunga:

Naalakkersuisunut apeqqutit

1. Naalakkersuisut paasissutissiissutigisinnaavaat, piginneqatigiilluni suliffeqarfinnik killilimmik akisussaaffilinnik (ApS) pilersitsinermi aningaasaatit minnerpaamik piumasaqaataasut 40.000 kr.-iniit 20.000 kr.-inut Danmarkimi atuuttunut naapertuuttunngorlugit appartinneqarpata pisortanut aningaasatigut allaffissornikkullu qanoq kinguneqarnissaat naatsorsuutigineqarnersoq?
2. Naalakkersuisut paasissutissiissutigisinnaavaat, taamatut appartitsineq namminersortut inuussutissarsiortut, pingaartumik aallarnisaasut kiisalu suliffeqarfiit mikisut akunnattumillu angissusillit eqqarsaatigalugit aningaasatigut allaffissornikkullu qanoq kinguneqarnissaa naatsorsuutigineqarnersoq?
3. Naalakkersuisut paasissutissiissutigisinnaavaat, aningaasaatit minnerpaamik piumasaqaataasa appartinneqarnerat innuttaasunut, pingaartumik nammineq suliffeqarfimmik aallartitserusuttunut, aningaasatigut allaffissornikkullu qanoq kinguneqarnissaa naatsorsuutigineqarnersoq?
4. Naalakkersuisut paasissutissiissutigisinnaavaat, Danmarkimi imaluunniit nunani allani aningaasaatit minnerpaamik piumasaqaataasa appartinneqarnerisa suliffeqarfinnik nutaanik pilersitsinermut, aallarnisaanermut, suliffissanik pilersitsinermut aammalu aningaasaqarnikkut ingerlatsinermut sunniutaannik misissueqqissaarnerit, nalilersuinerit imaluunniit naatsorsuutit pigineqarnerlutik, aammalu pigineqarpata taakku saqqummiunneqarsinnaanersut?
5. Naalakkersuisut paasissutissiissutigisinnaavaat, suna tunngavigalugu Kalaallit Nunaanni ApS-it pilersinneqarnissaannut aningaasaatit minnerpaamik piumasaqaataasut suli 40.000 kr.-iunerat sooq nunatsinni appartinneqarsimanginnerosq, Qallunaat nunaanni piumasaqaataasut 20.000 kr.-inut appartinneqarsimagaluartut?
6. Naalakkersuisut naalagaaffiup oqartussaasuinik Kalaallit Nunaanni selskabslovgivningip allanngortinneqarnissaa pillugu oqaloqateqarsimanerlutik paasissutissiissutigisinnaavaat, aammalu oqaloqatigiinnerit taamaattut pisimappata, qanoq inerneqarsimanersut?



7. Naalakkersuisut qnaoq nalilerpaat aningaasaatit minnerpaamik piumasaqaataasa appartinneqarnerat Kalaallit Nunaanni aallarnisaanermik, suliffeqarfinnik nunatsinneersunik pilersitsinermik aammalu namminersorlutik inuussutissarsiutinik ineriartortitsinermik siuarsaassasoq? Taamaappat naliliinermut tunngaviusut saqqummiunneqassasut qinnutigineqarput.
8. Naalakkersuisut paasissutissiissutigisinnaavaat, Kalaallit Nunaanni aningaasaatit minnerpaamik piumasaqaataasa Danmarkimi atuuttunut naapertuuttunngorlugit appartinneqarnissaat inatsilerinikkut imaluunniit allaffissornikkut akornutissaqarnerasoq, aammalu akornutit taamaattut suunersut nassuiarneqassasut qinnutigineqarput.
9. Naalakkersuisut paasissutissiissutigisinnaavaat, ukiuni 2015-imiit 2025-imut Kalaallit Nunaanni ukiumut ApS-it qassit nalunaarsorneqarsimanersut, kiisalu aningaasaatit minnerpaamik piumasaqaataat naammassineqannginnerat pissutigalugu nalunaarsorneqanngitsoorsimasut imaluunniit itigartitsissutigineqarsimasut pillugit paasissutissat pigineqarpata taakku saqqummiunneqarsinnaanersut?

(Inatsisartunut ilaasortaq , Jens NapātôK', Naleraq)

Tunngavilersuut:

Tunngavilersuut

Kalaallit Nunaanni inuussutissarsiornermik ineriartortitsineq, suliffeqarfinnik nutaanik pilersitsineq kiisalu namminersorlutik inuussutissarsiuteqalernissamut periarfissat nukittorsarneqarnissaat inuiaqatigiinnut pingaaruteqarluinnarput. Danmarkimi 2025-mi piginneqatigiilluni suliffeqarfinnik killilimmik akisussaaffilinnik (ApS) pilersitsinermi aningaasaatit minnerpaamik piumasaqaataasut 20.000 kr.-inut appartinneqarput, Kalaallit Nunaannili piumasaqaataasut sulit 40.000 kr.-innarluni. Taamaalilluni Kalaallit Nunaanni aallarnisaasut Danmarkimi aallarnisaasunut sanilliullugit suliffeqarfimmik assingusumik pilersitsinissamut marloriaammik aningaasaliisariaqartarput. Naalakkersuisut apeqquteqarfigaakka qulaani pineqartut pillugu siunnersuutigineqarsinnaasup aningaasatigut, allaffissornikkut kiisalu inuussutissarsiornermut sunniutissai pillugit paasissutissanik nalilersuinernillu saqqummiussissasut.



Apeqquutigineqartut ullut suliffiusut qulit (10) iluanni akineqareersimanissaat piumasarineqarput.

Nutsernerani paatsuungasoqassatillugu kalaallisut allassimasoq aallaavigineqassaaq.